

OTTONIS NATHANAELIS NICOLAI,

S. S. THEOLOG. LICENTIATI ET AD D. D. UDALRICI
ET LEVINI MAGDEBURG. ÆDEM V. D. MINISTRI

MELETEMA

DE

SERVIS JOSEPHI
MEDICIS

AD GENES. L, I. 2.

CONSCRIPTUM

ET

ÆSTUMATISSIMO SUO SOCERO,

NATALEM SEPTUAGESIMUM III. NON. MAJ.

NUMBURGI CELEBRANTI,

OBSERVANTIÆ ET CONGRATULATIONIS

ERGO DICATUM.



MAGDEBURGI,

PRELO GODOFREDI VETTERI,

M. DCC. LII.



5 305
V I R O

NOBILISSIMO, EXCELLENTISSIMO ATQUE
EXPERIENTISSIMO

DOMINO

JOHANNI MELCHIORI
DRECHSLERO,

MEDICINÆ DOCTORI

EJUSDEMQUE PRACTICO CELEBERRIMO AC
FELICISSIMO

SEREN. SAXON. DUC. WEISSENFELS. ET QUERFURT.
CONSILIARIO ET ARCHIATRO

SPECTATISSIMO

REV. CAPITULI ET CIVITATIS NUMBURGENSIS

UT ET

REGIO ELECTORALIS SCHOLÆ PORTENSIS, NEC NON
PRÆFECTURÆ FREIBURGENSIS

PHYSICO ORDINARIO AC MERITISSIMO

SOCERO SUO ÆTATEM DEVENERANDO

OMNIS GENERIS FELICITATEM AC PROSPERRIMA

QUEVIS PRECATUR

AUTOR.

© 1917

WILLIAM WALKER

NEW YORK

1917

THE NEW YORK PUBLIC LIBRARY

ASTOR LENOX AND TILDEN FOUNDATIONS

100 N. 5TH ST. NEW YORK

Acquired from the

Library of the

City of New York

1917

1917

1917

1917

1917

1917

1917

1917

1917

1917



§. I.

Multa sunt, eaque notatu dignissima, quæ pius & attentus Lector in Josephi illius, Patriarchæ celeberrimi, omniumque Jacobi filiorum facile principis vita, cujus curriculum, mirifice varium, per Mosen nobis recensuit Spiritus S., observabit. Nunc enim fata ejus, quæ ab incunabulis ad ultimum usque halitum expertus est, quibusque inscrutabilia summi numinis judicia, & impervestigabiles vias ejus esse *Rom. XI, 33.* Deumque *segregare sibi pium, Psalm IV, 4.* a) demonstratur, in maximam admirationem nos rapiunt; nunc virtutes sancti viri, Deo pariter ac hominibus comprobata, ad promptam assiduamque nos invitant imitationem. Eminent inter illas, ac primæ veluti magnitudinis stella emicat, singularis ejus erga demortuum patrem Jacobum, post fata etiam dilectissimum, pietas, utpote quam sacrae paginæ hisce describunt: *Cecidit Josephus super faciem patris sui, & flevit super eo, & osculatus est eum. Postea præcepit Josephus servis suis medicis ad condiendum patrem suum; condierunt ergo Medici Israël.* *Gen. L, 1. 2.* In quo sermone medicos quidem illos Ægyptiacos, quibus condiendi munus mandabatur, jam imprimis accuratius aliquanto contemplari animus est, sed & de tenerrimo Josephi in ex-

)(3

tin-

a) Juxta *SANTIS PAGNINI* versionem. Radix enim *הִפְּלִי* in Kal est inusitata. In Niphal autem est *separari*, v. g. *Exod. XVIII, 16* & in Hiphil, *separavit a cæteris*, ut *Exod IX, 4.* adeoque separando singularem prorsus & admirabilem fecit: *Psalm XVII, 7.* Quæ ipsa significatio cum verbo *הִפְּלִי* mirabilem effecit, concurrat. Hinc *LUTHERUS*, daß der Herr seine Heiligen wunderbarlich führet. Conf. *B. GEIERI Comment, ad b, l, p. 50.*

tingtum suum Israël b) affectu quadam præmitti contextus verborum & ordo rerum poscit.

§. II.

Emenso igitur vitæ spatio, filiisque suis, quos convocaverat, ut singulis benediceret, variaque de sepultura mandaret, c) valere jussis, pedes suos collegisse super lectulum & obuisse d) Jacobum,

b) Hoc nomine idem Jacobus, Josephi pater, denotatur: accepit nempe illud post luctam cum filio Dei *אֶחָדָא* Gen. XXXII, 28. Conf. S. Vener. Domini D. SALOM. DEYLINGII *disp. de lucta Jacobi cum filio Dei, hab. Lips. 1735.*

c) Præceperat imprimis, ut se cum patribus suis in terra Chanaan sepelirent. Hocque desiderio sine dubio tenebatur 1) in testimonium fidei, promissioni divinæ habitæ, 2) in indicium caritatis, tum erga majores suos, tum erga posteros, a quibus nec in morte divelli volebat; 3) in excitationem pietatis: certum enim est, quod monumenta clarorum virorum posteros etiam ad omnis generis virtutes excitare soleant; 4) denique in spem resurrectionis: nam ad Messiam Jacobum simul respexisse nulli dubitamus, qui in illa terra carnem assumpturus & ex morte resurrecturus erat. Et forsitan Vir sanctus spiritu prophetico, quo pollebat, liceat enim aliquid conjecturæ dare prævidit, post ejus resurrectionem multorum sanctorum, qui obdormierant, corpora cum Christo surrectura esse; ac proinde etiam de suo funere spem concepit, fore, ut cum illis eodem tempore ad vitam revocetur, & ad æternas beatorum sedes admittatur. Siquidem constans est Ecclesiasticorum doctorum sententia, sanctos hosce Patriarchas una cum Christo surrexisse, & in die ascensionis una cum ipso cælos petiisse. Vide ALB. *sum. S. 166 decas observationum sacrarum ex patribus Apostolicis, Observat. I. FRIDER. ADOLPH. LAMPE triga questionum p. 734. & doctiss. CHRIST. MATTH. PFAFFII disp. de miraculo sanctorum tempore mortis Christi resuscitatorum contra Woolston. hab. Tub. 1730.*

d) In fontibus est *זָנַח* defecit, quod LUTHERUS, & *verschied*. Quod peculiare verbum Rabbiniis quidem ita expirare significat, ut sine omni agone vel lucta anima ex corpore emigret. Ita enim BEN MELECH in *Michlal Jophi b. l.* statuit. inquiens: significationem hujus vocis esse, mortem facilem, & quæ non sit per diuturnum morbum: *מֵתָה קֶלֶה*. Et PHILIPPUS AQUINAS, ex *Judæus in Lexico p.* hac voce: indicare mortem repentinam, & quæ non protrahatur morbo; verba ejus hebræa sunt: *מֵתָה מִיָּד*. Nondum vero ita res hac Rabbi, norum assertione confecta est, ut certo affirmari posset, *זָנַח* morientium omnem dolorem excludere. Potest enim etiam festinata mors, & illa quidem non præviis longis morbis obveniens, suos habere cruciatus & angores, & non qualemcumque in extremis laborem. Patiebatur nimirum

bum, sub finem capitis antecedentis per Mosen Spiritus S. refert. Quo luctuoso optimi parentis fato Iosephus commotus, ruit primo super faciem defuncti, non ex animi aliquo viriumque defectu, sed ex singulari quodam pioque in patrem affectu, qualem in mortuos etiam *Syracides* requirit *Cap. XXXVIII. 6.* & in ipso Salvatore deprehendimus erga mortuum amicum, *Joh. XI, 15.* e) Postea sine dubio oculos exanimati comprimit, ad implendum id, quod *Cap. XLVI, 5.* Deus ei prædixerat: *Ioseph imponet manum suam super oculos tuos.* Præter enim illud, quod morientium pollices eo artificio in volam deprimunt Judæi, ut pugni rugæ cognomentum Dei יָדוֹ (quod omnipotentem significat) *Gen XVII,* pulchre repræsentent, f) & a morituris Legis volumen, ne immundæ rei præsentia id ipsum polluat, removent, imo etiam ægroto ultimum singultienti & animam exhalanti adstantes, vestes suas lacerant, g) antiquissimus Patriarcharum circa morientes a majoribus acceptus mos erat, quod mortuis lumina clauderent, & oculos premerent. Licet enim de hac consuetudine nullum nisi hoc Iosephi & Jacobi exemplum Moses habeat, non tamen Iosephum eam primum introduxisse opinandum est; siquidem Deus l. c. cum Jacobo de comprimendis ei per filium oculis loquitur, tanquam de re non tunc denique introducenda, sed jam dudum & absque

)(4

que

rum etiam Jacobus, ut plerique alii, naturali morte obeuntes, deliquium animi, vires paulatim deficiebant, arteriarum cessabat pulsus, extrema rigescebant, donec tandem anima a corpore resoluta ad Christum migrabat. Nam ne sancti quidem liberi sunt ab hoc stipendio peccati, quin potius difficilem interdum agonem subire eos oportet. Conf. *JOH. WILH. BAIERI, disp. de agone mortis.*

e) Vid. *JOH. ELAI TERSERI Annotationes in Genes. ad h. l. p. 148.*

f) Ut ex autore ritualis libri *Minhagim Cap. ult.* refert *WILH. SCHICKARDUS in jure regio Hebraorum Cap. VI. Theor. XIX.*

g) De quo ritu vid. *JOH. BUXTORFFIUM in synagog. Jud. c. XXXV. Ceteros v. g. de aqua omni, ex ædibus tum demortui, tum contignis etiam, in plateam effusa, eo, quod venenatum suum cultrum inibi abluerit Angelus mortis, item de Lucerna accensa in pavimento domus per septem noctes, quod credant, animam defuncti redire ad illum locum, ubi a corpore discessit & deplorare dissolutionem suam &c jam tacemus; habet autem illos *B. MART. GEIERUS in Opusculis Philol. p. I. seq. & JOH. ANDR. QUENSTEDT in tract. de sepultura veterum.**

que dubio antiquitus usitata. Post hunc Josephum Tobiam juniorem soceris suis id officii præstitisse legimus. *Tob. XIV, 15. h)* Causæ hujus facti variæ afferuntur, tum, ne intuentibus vivis horror ingeratur, tum, ut hoc modo sopor ille noctis diurnæ, clangore Christi buccinæ finiendus, subinnuatur, tum, ut mundana vanitas & sperata in cœlis claritas quodammodo significetur. Præterea os quoque demortui decenter componere solebant, cujus interior maxilla tenui fascia ad verticem adstringebatur, sine dubio tum deformitatis, tum tetri odoris causa; i) id quod & hic adhibitum recte putatur, licet illud Spiritus S. silentio involvat. k)

§. III.

Hæc pietatis officia peragens Josephus, lacrymas præ mœrore fundere cœpit; pergit enim Moses dicendo: *Et flevit, l)* in novum nempe amoris veri, veræque pietatis testimonium. Licet enim Empæctis ineptum videatur, tantum virum hic ab historia sacra auctore fisci, ut molliter & pueriliter adstantem lectulo patris, & muliebriter flentem; in dignissimis tamen Josephi laudibus illud merito ponitur. Nam non solum gentiles olim hoc tribuerunt heroibus, quod sint ἀνδράγυες ἄνδρες, viri, quorum oculi facile in lacrymas resolvi soleant, & qui magno affectu fluant.

Nam

b) Ritum hunc comprimendi oculos mortuorum etiam ad Græcos & Romanos transisse, illud testatur Penelope, marito oculos claudens, apud HOMERUM *Odyss. 24. v. 293. & τὸ γὰρ γέρας ἐστὶ θανόντων*, hic enim bonos mortuorum ibidem additur. De Romanis aliunde satis constat, confer. quoque KORNMANNUM de mirac. mort. P. VII, c. 9. SELDENUM L. I. Syned. c. 7. §. 12. p. 355. & PAULI ARINGHII *Romam subterraneam* L. I. c. 21. §. 12. seq.

i) Vid. JOH. CONR. DIETERICI *Antiq. bibl. p. 60. seq.*

k) Cæterum, an Hebræi etiam hunc gentium aliarum morem imitati fuerint, quæ annulos digitis morientium detrahebant, unde PLINIUS *Lib. XXXIII. Cap. I. circa finem* inquit *Gravatis somno, aut morientibus religione quædam annuli detrahuntur*; id quidem nullo idoneo argumento constat, quamquam etiam negandi nulla ratio in promptu est.

l) Etsi de reliquis filiis nihil addit Autor sacer, verisimile tamen est, ipsos quoque parentis obitum deflevisse. Josephi vero solius propter eminentem dignitatis gradum, & singularem in morte patris luctum fecit mentionem. Vid. DAN, RUNGII *Prælectiones in Genes. p. 1460.*

§. IV.

m) Quod imprimis apud Israëlitis posteros luctus pene pro parte sacri cultus habitus sit, annotavit *SCHICKARDUS* in suo *Mischkat hamm.* p. 170. Tempus autem, personas, ceterasque hujus luctus circumstantias fusius tractat *B. GEIERSUS* l. c. p. II. seq.

populum suum emigraverat, corpus autem exanime omnis sensus omnisque jucunditatis, ex hac amoris significatione percipiendæ, expers erat. Sunt, qui osculum hoc ad ritum illum referunt, quo priscis temporibus mortuos exosculari solebant amici superstitēs, & Josephum hancce amoris significationem patri suo pro illius seculi genio exhibuisse opinantur. Et negari quidem nequit, ejusmodi consuetudinem omnino apud nonnullas, gentes olim obtinuisse. Sic Augustum Cæsarem in osculis Liviæ suæ defecisse apud *SUETONIUM* in *vita* ejus legimus; Creon filiam mortuam osculabatur n) filios occisos Niobe, o) Meleagrum mortuum sorores. p) Idque faciebant, partim, quia, ut peregre abeuntes, sic quoque ex hac vita emigrantes osculo dimittendos esse censebant, partim, quia exeuntem animam hoc modo excipere appposito hiato & in se transferre posse stulta credebat Gentilitas. q) At at, hanc mortuorum exoscultationem certum consuetumque ritum, perpetuæve observantiæ apud Judæos fuisse in dubium adhuc merito a multis vocatur. r) Multo minus ad actum aliquem religiosum osculum illud referri debet, quemadmodum non solum idololatrica ejusmodi oscula inter gentiles dabantur, s) sed & ad hunc usque diem reliquiis sanctorum a pontificiis finguntur. Proficiscebatur potius osculum istud ex naturali affectu, quo ductus fuit Josephus, ut vultui, nunquam postea videndo, osculum daret extremum, & suum erga parentem testaretur amorem.

Spreta

n) Apud *EURIPIDEM* in *Medea*.

o) Apud *OVIDIUM* *Lib. VI. Metamorph.*

p) Apud eundem *L. IV. Fastor.* Plura exempla habet *ROSINUS* de *Antiq. Rom.* 9, 8. item *CHRYSOSTOMUS* *Homil. I. de patientia Jobi.* Huc quoque pertinet, quod *Xiphil.* in *Severo* de exequiis *Pertinacis* scribit. *Cum lectus rogo impositus esset, Severus propinquire Pertinacis statum ejus osculantur.*

q) Vide *ALEXANDRUM* ab *ALEXANDRO*, & *TIRAQUELLI* in eundem *Annotat. Genial. Dier. L. III. c. 7.*

r) Vide *B. GEIERUM* *l. c. p. 49.* & *B. JOM. BENEDICTI CARPZOVII* *notas ad SCHICKARDI* *ius regium, Cap. VI. Theor. XIX, p. 411.*

s) Hæc post *SAANCTIUM* *Comment. in 3 Reg. XIX, 18, n. 60,* erudite persequitur *LOHMEIERUS* *Dier. genial. Dec. I. p. 339.*

Spreta igitur superstitione illorum, qui mortuis osculum dare noxium & ominosum judicant, siquidem necesse fabulantur esse, ut mox alius quis ex eadem familia moriatur, & defunctum hunc sequatur; t) profligato quoque metu, quod dentibus obsit, si quis consanguineo cadaveri osculum figat, u) nihil certe foret, quod carpi mereatur, si quis & hodie, tenerrimo affectu commotus, exanimati amici funus osculo honoret. Sic ab omni vanitate aut superstitione longissime remotus, osculatur patrem Josephus, non tam, ut *AUGUSTINUS* habet, in subsidium mortui, quam solatium vivi. Quod reliquum est, non tam inspiciendum est osculum, quam ipsa fides, qua Josephus osculatus est patrem. Sciebat enim vir pius, hoc corpus, dum vixit, fuisse templum Spiritus S.; considerabat, Deum per hoc os multa utilia alios docuisse; cogitabat, ex hujus viri carne filium Dei carnem assumpturum; credebatur denique, hanc carnem olim resurrecturam, & beatam animam hujus corporis Redemptorem suum visuarum, x)

§. V.

Et hæc de pio Josephi super demortui patris luctu. Nunc cum ipso ad medicos accedere, instituti ratio poscit, quos nempe hisce paginis imprimis lustrare, & de iis, quid videatur, pensitare constitutum erat. Duo autem erunt, ad quæ animum advertere res ipsa jubet. Primo nempe, quinam fuerint isti medici, & deinde, quale officium eis tunc in patris exequiis demandatum a Josepho fuerit. Ad ipsos igitur medicos quod attinet, dantur sacrarum literarum interpretes per multi, y) quibus hoc loco vocabulum medici non proprie positum videtur, hincque non veros fuisse medicos credunt, qui hoc condiendi munere fungi soliti fuerint. Primo enim urgent *שֶׁ עֶבֶר* i. e. *servus*, quod nomen medi-

)((2

di-

t) Vide *POLYCARPI LTSERI Josephum* p. 544.

u) Quod sua experientia probasse vult *SCHICKARDUS*, l. c. p. 410.

x) Confer. *LTSERIUM* l. c. p. 544, ubi simul ad allatum dubium respondit, an Josephus, cadaver istud tangens, contaminatus fuerit?

y) v. g. *BENEDICTUS PERERIIUS Comment. in b. l. p. 1041*, *SEB. SCHMIDTUS Comment. in Genes. p. 801*, *PELARGIUS in b. l. p. 688*, confes etiam *POLI synopsis in b. l. p. 406*.

dicis haud congruat; deinde Septuaginta interpretes pro sua causa excitant, qui per ἐνταφιάδας hos medicos reddunt; tertio ad officium medici provocant, quod sit, tractare corpus vivum, & illud vel ab ægritudine præservare, vel ægrum ad sanitatis statum reducere, non autem mortuorum corporum condituras vel sepulturas curare; denique HERODOTUM & DIODORUM citant, quorum ille apud Ægyptios certum quoddam genus hominum ad condienda cadavera constitutum fuisse testatur; hic vero 2) sequentia tradit: Qui funera, inquit, mortuorum apud Ægyptios curant, eo exercitio a majoribus tradito, funeris impensam domesticis demortui fuerunt scriptam, sciscitantes, quanto velint sumptu celebrari funus. Tres enim sepulchrorum vel funerum erant species, sumptuosa, medicoris, & humilis ac tenuis. In primam argenti talentum impendebatur, & in secundam minæ viginti, tertia perexiguo constabat sumptu. Eorum vero, qui corpus mortuorum curabant, alii erant scissores, qui lapide quodum Æthiopico latus corporis mortui incidebant, quo aluum exinaniebant & purgabant: hi non solum contempti, verum etiam exosi & execrati erant apud Ægyptios; qua propter, facta scissura, inde celeris fuga evadebant, valide insequentibus, qui adstabant, lapidesque cum execratione in eos jacentibus, scilicet æstimantibus, amici corpus, vulnere illato, esse ab iis violatum. Alii erant corporum curatores, quos appellabant salitores, magna sane in existimatione & honore. Rem istam tandem illustrant more Romanorum, qui Libitinarios appellabant eos, qui locabant aut vendebant ea, quæ ad pompam funebrem essent necessaria, vel, qui curam habebant sepeliendorum funerum; tracto nomine a Libitina Dea, in cujus æde asservabantur, quæ ad instructionem funebrium pomparum erant necessaria. Habebant autem Libitinarii domi servos, quorum opere utebantur ad pollingenda, hoc est, ad abluenda, ungenda, & confuenda cadavera, qui Polinctores nominabantur, a poliendis cadaveribus. Designatores autem dicebantur, qui ordinabant pompam funebrem, quilibet locum & modum incedendi præscribentes. a]

§. VI.

2) Lib. II. Cap. 5.

a) Hos Designatores & Libitinarios eadem vota habuisse, quæ illi habebant, qui testamentorum captandorum artem professi erant, docet SCALIGER, Lib. VI. de benef. Cap. 38. Cæterum Libitinarii græce ἐνταφιάται; Pollinctores autem πύργοφοροι dicebantur. Vid. MATT, MARTINI Lexic. Philol. voc. Libitinarius.

§. VI.

Habent, fateor, allata argumenta in se aliquid roboris, sed non tantum, ut nos sententiæ de Medicis, improprie & abusive ita dictis, subscribere cogat; ut potius artis salutaris & medicæ vere peritos illos fuisse, a quibus Jacobi, beate extincti, corpus nunc condiendum erat, non sine certa animi persuasione ac fiducia asseramus. Ad- est enim primo expressum nomen **רפאים**, quod *medicos* proprie significat, & cum voca **רפאים** confundi haud debet, b) per quos *Rephaim gigantes* validi ac robusti, & per antiphrasin *mortui* intelliguntur, qui nullo medicamine (a **רפא** sanavit) sanari & in vitam revocari possunt. c) Cur vero a propria horum medicorum significatione recedere, aut illos abusive ita hoc nostro loco dictos putare debeamus, necessitatem non video. Erant ergo isti quoque viri ex præclaro illo, & de genere humano optime merito Medicorum ordine, qui artem medendi, de qua nomen habent, didicerunt, & tam felici successu exercent, ut corpora, morbis afflicta, ad pristinum sanitatis statum per adhibita media restituant. d)

((3

Quam

b) Id quod Septuaginta illi Alexandrini olim fecerunt, locum *Esa*, XXVI, 18. ita vertentes: *Ου δε ΙΑΤΡΟΙ & μη αναστασσι*, cujusmodi errorem quoque commiserunt, verba Davidis *Psalms* LXXXVIII, 11. *Μη ΙΑΤΡΟΙ αναστασσι και εξουλεγυσσιν* in, reddentes. Quos Vulgata ad partem secuta est: *Num Medici suscitabunt, & confitebuntur tibi?* Cum tamen in utroque loco de gigantibus potius sermo sit, sive, ut B. GERHARDUS *Loc. Theol. T. IX. p. m. 1086* habet, de oppressoribus & persecutoribus Ecclesiæ. Vide S. Vener. Domini D. CARL GOTTL. HOFMANNI, eminentis in Academia Vitembergensi Theologi *Programma Fest. Paschi* 1742. *de negata Medicorum resurrectione*, doctissime conscriptum; quodque ejusdem *variis sacris, sive opusculis Academicis* hoc ipso anno editis insertum est p. 39 ut & B. AU. PFEIFFER *dubia vexata* p. 702.

c) Conter B. SALOM GLASSIUM in *Rhetorica sacr. p. m. 81.* & JAC. GUSSETII *Lexicon Hebr. lingue* p. 1528. Et qui **רפאים** mortuos significare asserunt, Judæos sequentes, in quibus est BEN MELECH in *Michlal Jophi* ad *Psalms* LXXXIX, 11. a radice **רפא** derivant, tertia radicali **א** & pro **א** alterante. Est autem **רפאים** solutum & remissum esse, statuuntque non improbabili- ter, mortuos sic appellari, quia eorum vinculum, quod corpus aminamque, dum viverent, constrinxerat, solutum est.

d) Substantivum *Medicus* proxime est a verbo *medendi*, remotius autem derivatur a *medio*. PRISCIANUS *Lib. V. in XII. verb. Enclit. Lib. V. Medicus* quor-

Quam ob rem liber Siracidis *Cap. XXXVIII, 1. seq.* medicos a nobis honorandos docet, & quidem ex duplici ratione, una latet in illo πρὸς τὰς χεῖρας, medico enim opus est nobis, corpore male affecto; altera, quia est ars plane divina, quam Medicus proficitur, & artium nobilissima, sive consideres Autorem & principium, quod est Deus, qui Adamo cum cæteris scientiis eam indidit, a quo etiam herbæ & plantæ aliæque huc spectantia, itemque eximia ingenia sunt, imo & successus, nam

Ni Deus affuerit, viresque affuderit herbis

Nil vel Dictamnus vel Panacea, potest.

sive Objectum spectes, quod est corpus humanum; sive denique effectum, qui est sanitas. e)

§. VII.

Nec huic רפאים titulo contrarium esse potest adjectum עֶבֶר שֶֿֿֿׁ *servi* nomen. Quis enim ex hoc colligat, peculiare servorum genus fuisse, quibus conditura tum temporis incumberet, aut Medicos olim apud Ægyptios servorum loco habitos fuisse, sicuti idem apud Romanos, dum adhuc barbara & inculta gens erat, in usu fuit. f) Scimus enim, vocabulum *servi* in sacris literis latius patere, quam ut semper hominem humilem & ultimæ conditionis in domo significet. g) Imprimis servorum regis nomi-

quoque inde videtur dictus, quia temperantia medium est inæqualitatis, qua solet fieri ex contrariis elementis. Nempe Medicus est, qui exorbitantem temperiem reducit ad medium statum inter ὑπερβολὴν καὶ ἑλλειψιν. i. e. excessum & defectum. Vid. *MATT. MARTINI Lex. Philol. voc. Medicus.*

e) Ineptus igitur est Apollo, qui se Medicinæ inventorem jactat, aut potius jactare fingitur apud *OVIDIUM* dicens.

Inventum medicina meum est opiferque per orbem dicor.

f) Vide *JOH. FRID. BOECKELMANUM de medico Romano sexaginta solidis æstimato recens. Lipsia 1741. & JUL. CAT. SCHLÆGERI historiam litis de Medicorum apud Romanos degentium conditione, p. 17.*

g) Ejusmodi servos habebant & Judæi & Romani. Apud Judæos erant servi bello capti, empti Chananæi, aut Hebræi, [qui cum liberi nati essent, se ob inopiam in servitutem tradebant] & vernæ in domo herili nati vide *SELDENUM de Jure nat. & gent. Cap. XIV seq. p. 737. & OTHONIS Lexicon Rabb. Philol. p. 596. seq.* In amplis autem Romanorum familiis tres erant ordines & gradus servorum, ordinarii nempe, vicarii & medicinali. Ordinariis assignata erant certa munera, ut alii essent sutores, alii vilici,

nomine quam sapissime veniunt tum ministri, qui privatim regi ministrant, Gen. XL, 1. 1 Sam. XV, 16. 17. tum illi, qui præfecti sunt administrationi regni, nempe officarii seu proceres. 1 Sam. XVIII, 30. 2 Reg. V, 6. tum milites, qui in bello regi serviunt, 2 Sam. II, 12. 13. 1 Reg. XX, 12. h) Josephus igitur tantus vir, utpote procerum in Ægypto caput, & regni Gubernator, jussu regis Pater patriæ nominandus, sine dubio quoque, uti aulam omni pompa instructam habebat, ita inter alios aulicos suos Medicis stipatus erat, quorum ministerio libere & pro arbitrio utebatur. Et hi ipsi erant, quibus condiendi munus nunc ut Dominus præcepit. Quod ergo Syracides habet de medicis ἐναντὶ μεγίστων θανάτων, Cap. XXXVIII, 3. i] illud hoc Josephi exemplo comprobatur, qui, licet natu Judæus esset, a medicis tamen non abstinebat, k) utpotius morbis afflictus illos adhiberet, uti post eum rex

villici, alii penum curarent, alii cubiculum. Vicarii non habebant certum aliquem ordinem. Mediastini erant, qui domum verrebant, & aquam ac ligna comportabant, & semper versabantur in medio, nempe, quasi in medio stantes, ad omnia officia, quæcunque ab hero imponerentur vilia & domestica parati. Vide *CARL du FRESNE glossarium voc. servitus.*

h) Sic passim apud *HOMERUM* in *Iliad* græci vocantur, ἀρεὺς Σεπαινέες i. e. servi seu famuli Martis, quasi dicat, milites ejus. atque adeo per hoc epitheton, quod Græcis tribuitur, denotatur, quod essent viri bellicosissimi.

i] Exempla medicorum, magnis donis a principibus dimissorum, collegit *CAMERARIUS Cent. I. hoc. subcis c. 4. p. 47.*

k] Judæi magno odio Medicos olim habere solebant, nec sine contumelia dicere: *Optimus inter Medicos* (vel inter Medicastro, ut modeste hunc locum e Talmud citans vertit *SCHICKARDUS*, judicio *B. JOH. BENED. CARPZOVII ad Schick. ND p. 55.*) *ad gehennam, in lib. Kidduschim p. 82. col. 1.* cujus assertionis rationes e Glossatore Judaico has affert *D. JOH. MULLERUS in Jud. p. 12. 1453.* quia multos incaute occidit medicus, quos per artem servare potuisset; multos pauperes mori patitur, quos in vita per medicamenta servare potuisset; multis cibum & potum sanorum permittit, quibus morbum potius ipsis augeat, donec tandem succumbant; multos a spe in Deum avertit, & fiduciam in se transfert. Plura in medicos vituperia Judicia collegit *BUXTORFFIUS Lex. Talm. p. 153.* & hoc in medicos odium in culpa quoque esse conjectat *Celeb. Dominus D. HOFMANNUS*, cur LXX. verba prophetica supra allata transfulerint: & δὲ ΙΑΤΡΟΙ & μὴ ἀνασῆσαι, Ceterum de medicis parum honorifice sensisse *PLINIUM* ex ejus *historia Nat. Lib. XXIX. c. 1.* & pluribus aliis locis constat,

rex Assa, pedibus laborans, illos, nimia licet fiducia, in consilium vocabat. 2 Paral. XVI, 12. Imo in ipso templo Hierosolymitano sacerdotes ob discalceationem viscerum doloribus ex algore pedum crebro laborantes peculiarem habebant **ממונה על החולים** praefectum ægrotorum, seu medicum, qui valetudinis ipsorum ageret curam. 1) In genere de antiquis illis Ægyptiorum medicis notandum est, quod illi ad sacros homines, seu sacerdotes pertinuerint, licet diversi gradus eorum fuerint, quippe referendi huc etiam sunt pollinctores, seu Libitinarii, de quibus **DIODORUS** (m) & hoc prodidit, quod sint homines, qui artem a majoribus acceptam exercean & propagent. Eosdemque testatur, Ægyptios omni honore atque cultu dignari, cum inter sacerdotes sint, & in sacrarium ut homines sacri libere ingrediantur. n) Sive igitur Josephum utpote summi sacerdotis generum, sacerdotum ordini adscriptum intelligamus, sive simpliciter Pro-Regem; pollinctores illi, utpote de sacerdotum collegio viri, non magis erant Josephi servi, quam ipse Josephi focer. o)

§. VIII

1) Confer. **JOH. BRAUNIUM** de vestitu sacerdot. hebr. c. I. c. III. §. 3. p. 44. seq. & **MELCH. LEYDEKKERUM** de republica hebraeorum LX. Cap. III. §. 4. p. 591. Ex quo apparet, Medicos non apud omnem hunc populum in contemptu fuisse, id quod & Esseni testantur, quos nonnulli medicam artem excoluisse credunt. Vide S. Vener. Domini **D. JOH. GOTTLÖB CARPZOVII** Apparatum Antiquitt. in Goodwyni Mos. & Aar. p. 217. seq.

m) Bibl. histor. L. II. p. 81. 82.

n) Propius ad conditionem medicorum, qualis illa apud Ægyptios fuerit, inspicendam nos admittit **HERODOTUS**, quando inquit: *Medicine ita distributa est professio, ut singulorum morborum singuli sint Medici, nonnulli simul plures curandos suscipiant. Omnia autem medicorum plena sunt. Alii oculis medicinam faciunt, alii capiti, dentibus alii, rursus alii ventri medentur, a quibus diversi sunt, qui morbis occultis medentur. Et Medicinæ hoc breve encomium scripsit **SOCRATES**, in encomio Busiridis; Sacerdotes tot commodis gaudentes ad iuvanda corpora medicinam invenerunt; non eam, quæ periculosis medicamentis utitur, sed ejusmodi, quæ, quum aque tuto sumi possunt, ut cibi quotidiani, tantas utilitates habent, ut nemo neget, & saluberrimis esse corporibus, & diutissime vivere Ægyptios.*

o) Conf. **PROSPERI ALPINI** opus de medicina Ægyptiorum & **JOH. HEINR. SCHULZII** Historiam Medicina Cap. III. p. 24. seq.

§. VIII.

Præterea Septuaginta Alexandrini vertunt, fateor, hos medicos, per ἐνταφιασὰς, quasi sepultores eos fuisse indicarent; sed sicut eorum autoritas apud nos tanta non est, ut illis in omnibus cæcum præbeamus assensum; ita tamen versio ipsorum hoc loco immerito notatur. Nam quis non videt, hoc ipsum sepultoris nomen haud exprimere vim illius vocis græcæ, ac proinde ὁ ἐνταφιασὰς ad medicos nostros commodè admodum referri posse, ita tamen, ut ideo non fiant sepultores. p) Quod autem Medicorum opera multifarie non solum in morbis, sed & post mortem apud cadavera adhibeatur, quotidiana experientia nos docet. Hinc mittimus rem istam, & intuemur potius ipsum condiendi officium Medicorum, quod considerandum nobis super est. Textus enim habet: *Aromatibus condiderunt medici ipsum Israel.* q) Ægyptii nempe defunctorum corpora, ut apud multas gentes factitatum legimus r) non cremabant s) sed, quod Romanis quoque pariter ac Græcis postea familiare

)()()(

p) Nam rectè AUGUSTINUS in locution. ad Genes. Non invenit lingua latina, quemadmodum appellaret ἐνταφιασὰς, non enim ipsi sepeliunt, i. e. terra mandant corpora mortuorum, quod græce non ἐνταφιασάν sed ἐθαψάν. Illi ergo ἐνταφιασὰς id agunt, quod exhibetur corporibus humanis vel condiendo, vel secando, vel involvendo, vel alligando, in quo opere maxime Ægyptiorum cura præcellit.

q) Ad quæ verba MUNSTERUS: significat מַנְחָה facere pigmentum סַמִּים i. e. speciebus aromaticis, quo corpora defunctorum inuncta, incorrupta manent multo tempore. Vide eum in Criticis sacris ad h. l. p. 427. Et rectè MUNSTERUS, nam ita Rabbini sentiunt, teste BEN MELECH in Michlal ad h. l. ubi ὁ מַנְחָה interpretantur per סַמִּים מַעֲשֵׂה opus aromaticum, quod adhibent mortuo, ut caro ejus persistat per plures dies ne corrumpatur & putrescat.

r) Vide Disputationem meam de ossibus Regis Edom combustis, hab Lips. 1723.

s) Rationem huiusce reddit HERO OTUS Lib III. scribens: Neque apud Persas neque Ægyptios moris fuit cremari cadavera: Apud Persas quidem, quoniam illi arbitrantes, ignem esse Deum, nefas ducebant, cadaveribus pasci Deum: apud hos vero, quod persuasum illi haberent, ignem animatam esse bestiam, & omnia, quæ nascuntur, devorare; Et postquam devorando fuerit expleta, una cum devoratis ipsam quoque emori.

miliare erat, t) mortuos suos ungebant u) hoc potissimum modo: incuruo nempe ferro cerebrum per nares educebant, ejusque locum medicamentis & odoribus explebant; deinde acutissimo lapide Æthiopico ilia conscissa & alvum omnem extrahebant, quam post repurgationem iterum in sedes suas reponebant, ac infarctis odoribus consuebant; postea saliebant intra abditum septuaginta dies; his exactis cadaver abluebant, syndone bissina totum incisis loris involuebant, gummi illinientes, & in ligneam hominis effigiem, ad hoc factam, includebant atque ita reponebant. x) Dubium ergo superest nullum, quin hunc ungendi ritum & demortuo Jacobo suo a Medicis tunc adhiberi voluerit Josephus, tum, ut etiam hac in parte Ægyptiorum morem servaret, tum, ut Jacobus eodem modo, quo magnates apud Ægyptios sepeliretur, ostenderetque, Jacobum quoque virum magnum fuisse coram Deo, y) tum maxime, ne ante justum tempus cadaver putrere & foetere inciperet. Sunt enim illæ regiones admodum calidæ, in quibus corpora mortuorum non diu asservari possunt. Lazarus mortuus quatridianus jam foetere dicitur. Joh. XI, 39. Quia ergo Jacobus transvehendus erat in terram Chanaan,

s) *Postea unguenti voluptas a Romanis inter laudatissima atque etiam honestissima vite bona admissa est; honosque is & ad defunctos pertinere coepit; inquit PLINIUS N. H. Lib. XII cap. I.*

u) *Idem PLINIUS l. c. Lib. II. cap. 37. inquit: Ægyptiis mos est, cadavera asservare medicata, i. e. a medicis uncta & condita aromatibus.*

x) *Vide quoque DIODORUM SICULUM, qui Lib. I. Biblioth. num. XVI in hunc modum Ægyptiorum condituram describit: Quamprimum ad secti cadaveris curationem convenere (Tarichentæ sive, qui cadavera condiunt) unus per hiatum manu ad præcordia immersa, quicquid intestinorum est, præter cor & renes extrahit. Alius alvum cum visceribus singulis repurgatam vino palmeo aromaticisque odoribus perluit. Lotum deinde cadaver ad dies plures XXX unguento primum cedrino aliisque delibutum reddunt. Myrrha deinde ac cinamomo aliisque non longiori tantum conservationi, sed etiam fragrantie aptis conditum propinquis reddunt. Et Confer. BENED. PARERII Comment. in Genes. p. m. 1442. & PARÆI Comment. in h. l. p. 45.*

y) *Pertinet huc sæpe citati BEN MELECH ad h. l. judicium, quod latinis verbis ita habet: septuaginta Dies: nempe, quadraginta ad polliceturam & triginta ad luctum, quod præstant omnibus viris magnis, quemadmodum invenimus de Pharaone & Mose, Magistro nostro nisi quod hisce hoc officium præstabatur post sepulturam, Jacobo autem ante illam.*

naan, & multum temporis interventurum erat, antequam terræ mandaretur, Josephus eum ungi voluit. Computemus enim. Unxerunt eum XL. diebus, deinde luxerunt eum LXX. diebus; qui dies, si primo separatim sumpti postea jungantur, conficiunt CX dies. z) His adde, si rectà iter fiebat ex Ægypto in terram Chanaan, fuit iter XL. dierum. At vero Josephus parentis funus duxit per desertum, ut per Jordanem demum in terram Chanaan penetravit: unde colligitur, semestrem propemodum integrum abiisse, antequam Jacobus veniret ad locum suæ sepulturæ. Itaque necesse est, fuisse unguenta pretiosa, & balsamum admodum efficax, quod corpus ab omni fœtore & putredine tam diu asservavit.

§. IX.

Sed satis de medicis Ægyptiacis, & forte etiam plus satis. Ab illis ergo discedens, ad *Te* nunc Præcellentissime Domine DRECHSLERE me converto, Medicum Numburgensem experientissimum ac felicissimum, focerum simul filiali cultu prosequendum! diemque feralem Jacobi mittens, hodiernum natalem *Tuum* pari pietate prosequor. *Te*, Jacobi fata per vitæ *Tuæ* curriculum magna ex parte expertum, benignum numen nobis huc usque superstitem servavit. Gaudent hoc Dei beneficio in sinu omnes, quos arte *Tua* saluari erigis, ægroti, gaudent amici, gaudet familia & omnis *Tua* proles, gaudeo & ipse, quem, filiâ in matrimonium datâ, inter *Tuos* recipere ante duodecim abhinc annos dignatus es. Jamque hæc mea *Tibi* nuncupo pia vota, velit Deus T. O. M. vitam *Tuam* ad annos usque, si non Abramiticos aut Nestoreos, quod per senescentis naturæ nostræ debilitatem fieri hodie vix queat, seros tamen, & summum Mosaicum terminum aut attingentes, aut
super-

z) Nisi tamen malimus cum allegato modo BEN-MELECHO diebus luctus etiam dies pollincturæ accensere ita, ut etiam per XL. pollincturæ dies Ægyptii eum lugerent, & adeo omne tempus & pollincturæ & luctus simul LXX. dies absolverent. Nihil enim prohibet, funus etiam tempore condituræ deseri potuisse.

superantes protrahere; det animi vires æque ac corporis sanitatem, ut, quam ipse habes, multis, a quibus in consilium vocaris, reddere possis. Corrobores vires senectute hinc inde languentes, quo dilectissimæ domui diu adhuc prodesse queas, imo & ipse ego cum meis multa ex pretiosissima vita *Tua* oblectamenta capiam. Servet *Te* *Tuosque* propitium numen factum tectumque, donec tandem, confecto feliciter vitæ spatio, dierum & meritorum satur cum Jacobo pia placidaque morte decedens, ad beatas sedes redeas. Interim, quoad inter nos, *Tui* observantissimos, *Tuique* cupidissimos agis, is, qui est Amen & Veritas, *Tibi* verbum suum *Exod.*

XV, 26. populo suo datum, largissime comprobet: *Ego*

Jehovah sum tuus Medicus! Ita vale, *Tuisque*

& mihi fave

Ω ΙΑΤΡΕ ΑΝΕΡ ΠΟΛΛΩΝ ΑΝΤΑΞΙΕ ΑΛΛΩΝ.

